

1. **Kantonalna javna ustanova „Porodično savjetovalište“**, sa sjedištem u ul. Bihaćka bb, Sarajevo, koju zastupa direktor Osman Šaljo (u daljem tekstu: Savjetovalište),
2. **Kantonalna javna ustanova „Odgojni centar Kantona Sarajevo“**, ul. Jukićeva bb, koju zastupa direktor mr. sci Midhat Kerla (u daljem tekstu: Odgojni centar),
3. **Javna ustanova „Terapijska zajednica Kampus“ Kantona Sarajevo**, ul. Iznad Sela Kešelji bb, koju zastupa direktor Hase Tirić (u daljem tekstu: Kampus),
4. **KJU „Dom za djecu bez roditeljskog staranja“ Sarajevo**, ul. Bjelave br. 52, koju zastupa direktor Tarik Smailbegović (u daljem tekstu: Dom), i
5. **Javna ustanova Institut za razvoj preduniverzitetskog obrazovanja u Kantonu Sarajevo**, ul. Aleja Bosne Srebrene bb, koju zastupa direktorica Senada Salihović (u daljem tekstu: Institut)

zaključili su dana 06.10.2022. godine

## **PROTOKOL O SARADNJI**

### **Član 1.**

**(predmet Protokola)**

Predmet ovog protokola je uspostavljanje međusobne saradnje u cilju zajedničkog djelovanja na prevenciji društveno neprihvatljivih oblika ponašanja među djecom i mladima.

### **Član 2.**

**(saradnja potpisnika)**

Međusobne aktivnosti koje će strane potpisnice ovog Protokola realizirati podrazumijevaju:

- Koncipiranje, razvijanje i provođenje preventivnih projekata za djecu i mlade;
- Provođenje i realizacija preventivnih projekata za roditelje;
- Organizovanje predavanja i radionica za nastavnike;
- Razvijanje zajedničkih projekata prevencije sa Vijećem roditelja škola u KS;
- Međusobno razmjenjivanje iskustava i znanja, evaluacija, praćenje, analiza;
- Udruživanje zajedničkih resursa u cilju unaprjeđivanja kvaliteta rada potpisnica Protokola;
- Učešće u organizaciji i realizaciji humanitarnih aktivnosti u saradnji sa odgojno-obrazovnim ustanovama;
- Iniciranje i realiziranje zajedničkih tribina, foruma, okruglih stolova i fokus grupa;
- Publiciranje stručne i edukativne literature, izrada priručnika, brošura za učenike, nastavnike i roditelje, te učestvovanje u obilježavanju značajnih datuma i jubileja i sl.
- Razmjena iskustava između potpisnica Protokola kroz organizovanje edukacija, informisanja i savjetovanja, u cilju promovisanja i afirmacije uloge odgojnog i preventivnog rada.
- Organizacija edukacija za učenike sa ciljem pružanja prilike učenicima da budu informisani, da razgovaraju, da dobiju savjete i podršku, kako bi što bolje bili pripremljeni za život.
- Organizacija i realizacija predavanja za nastavnike u cilju osnaživanja nastavnika kako bi mogli dati podršku i učenicima i roditeljima.

- Pružanje podrške roditeljima i jačanje njihovih roditeljskih kompetencija i stilova odgoja.
- Razmjena i prikazivanje primjera dobre prakse u radu.

### **Član 3.** **(obaveze potpisnika)**

U cilju ostvarivanja uspješne saradnje na realizaciji projekta u svrhu edukacije učenika, nastavnika i roditelja u odgojno-obrazovnim institucijama u KS, potpisnice Protokola će djelovati na zajedničkom i koordiniranom ostvarenju slijedećih aktivnosti:

- održavanje redovnih/periodičnih ili zajedničkih sastanaka na kojima bi se razmijenile informacije o svim provedenim ili planiranim aktivnostima,
- postavljanje informacija ili linkova na webu, internet stranicama i društvenim mrežama u cilju promocije svih aktivnosti i njenih članica pojedinačno,
- učešće i podrška u izradi publikacija,
- učešće u programima obuke u okviru provođenja planiranih projektnih aktivnosti,
- podrška i učešće u javnim zagovaračkim i medijskim kampanjama koje će se organizovati u cilju promovisanja aktivnosti, kao i ostvarenih rezultata.

Institut za razvoj preduniverzitetskog obrazovanja Kantona Sarajevo osigurat će provođenje ovog Protokola u okviru obrazovnih ustanova na području Kantonu Sarajevo, u cilju informisanja, prevencije, podrške kroz edukativni i radionički rad. O svim planiranim aktivnostima Institut za razvoj preduniverzitetskog obrazovanja KS se obavezuje da će informaciju o saradnji sa potpisnicama Protokola proslijediti u Ministarstvo za odgoj i obrazovanje KS, svim odgojno-obrazovnim ustanovama u KS, odnosno Vijeću roditelja KS.

Potpisnice Protokola obavezuju se da rad sa djecom i mladima neće podrazumijevati individualni rad pojedinačno u svrhu savjetodavnog ili psihološkog rada, nego samo u smislu informisanja, edukovanja i preventivnog rada.

Za ulazak u odgojno-obrazovne institucije Ministarstvo za odgoj i obrazovanje treba dati pismenu saglasnost.

Za realizaciju i provođenje aktivnosti u odgojno-obrazovnim institucijama roditelji učenika trebaju potpisati pismenu saglasnost, koju su u obavezi sačinili odgojno-obrazovne ustanove u Kantonu Sarajevo.

### **Član 4.** **(prava potpisnika)**

- Aktivno učestvuje u radu svih predviđenih aktivnosti Protokola o saradnji,
- Putem delegiranog predstavnika učestvuje u radu Tima za implementaciju Protokola i koordinira aktivnostima iz okvira svoje nadležnosti,
- Aktivno učestvuje u razmjeni podataka koji se odnose na situacije na terenu, sa ostalim partnerima na realizaciji Protokola, a u skladu sa Zakonom o zaštiti ličnih podataka,

- Predstavnik Instituta i predstavnici četiri partnerske Ustanove koordiniraju aktivnostima rada Tima za implementaciju Protokola.
- Sačinjava izvještaj o implementiranim aktivnostima predviđenim Protokolom, zajedno sa Institutom za razvoj preduniverzitetskog obrazovanja,
- Učestvuje u finansiranju aktivnosti predviđenih Protokolom,
- Kontaktira potencijalne donatore, te samostalno ili u saradnji sa ostalim partnerima aplicira za potrebna sredstva,
- Prisustvuje redovnim sastancima partnera, jednom mjesečno, a po potrebi i više puta,

### Član 5. (rješavanje sporova)

Potpisnici Protokola su saglasni da će sve eventualne sporove proistekle iz ovog Protokola rješavati sporazumno u duhu dobrih odnosa i u zajedničkom interesu.

### Član 6. (stupanje na snagu i raskid)

Ovaj Protokol stupa na snagu danom potpisivanja svih potpisnika i zaključuje se na period od jedne (1) godine.

Svaka od strana potpisnica ovog Protokola može isti jednostrano raskinuti, uz prethodnu obavijest u pisanoj formi i uredno izvršenje svih započelih, a nedovršenih aktivnosti za koje je postojala obaveza izvršenja.

### Član 7.

Protokol je sačinjen u pet primjerka od kojih svaka strana potpisnica zadržava po jedan primjerak.

KJU „Porodično savjetništvo“  
Direktor

[Redacted signature]

Osman Salje

01-31-7-108

KJU „Dom za djecu bez roditeljskog staranja“  
Sarajevo

[Redacted signature]

Tarik Šmailbegović

KJU „Odgoini centar Kantona Sarajevo“  
Direktor

[Redacted signature]

mr. sci. Midhat Kerla

JU Institut za razvoj preduniverzitetskog  
obrazovanja Kantona Sarajevo

Direktorica

[Redacted signature]

Senada Šimović

JU „Terapijska zajednica Kampus“ Kantona

Sarajevo

Direktor

[Redacted signature] 1030/22

